

KREU I
EMRI DHE FORMA E SHOQËRISË, SELIA, KOHËZGJATJA, OBJEKTI

Ne Tirane me 13 Janar 2025 (Dymije e njezete e pese)

NENI 1
EMRI DHE FORMA E SHOQËRISË

- 1.1** Emri i shoqërisë me përgjegjësi të kufizuar është "HP Energy" SHPK (më poshtë e quajtur "Shoqëria").
- 1.2** Shoqëria është e organizuar në formën e një shoqërie tregtare me përgjegjësi të kufizuar, në kuptim të Ligjit Nr. 9901 datë 14. 04. 2008 i ndryshuar "Për Tregtarët dhe Shoqëritë Tregtare".
- 1.3** Në rast transferimi të veprimtarisë tregtare mund të ruhet i njëjti emërtim me kusht që personi juridik të shtojë në këtë emërtim një shënim i cili ka të bëjë me transferimin.

NENI 2
SELIA

- 2.1** Selia e Shoqërisë ndodhet në adresën Lagjia Nr1 Rruga 24 Tetori, Ndertesa nr1, Bilisht.
- 2.2** Ortaket e Shoqërisë mund të vendosin mbi transferimin e selisë së Shoqërisë në një adresë tjetër. Personat përgjegjës për administrimin e Shoqërisë mund të çelin ose mbyllin degë dhe/ose zyra përfaqësimi, si brenda ashtu edhe jashtë Republikës së Shqipërisë.

NENI 3
KOHËZGJATJA

- 3.1** Shoqëria do të zhvillojë aktivitetin e saj për një periudhë kohore me afat të pacaktuar duke filluar nga data e regjistrimit pranë Qendrës Kombëtare të Regjistrimit.

NENI 4
OBJEKTI I SHOQËRISË

- 4.1** Shoqëria ka për objekt të saj kryerjen dhe marrjen pjesë në të gjitha aktivitetet që një shoqëri me përgjegjësi të kufizuar mund të ushtrojë në bazë të legjislacionit shqiptar, dhe në veçanti:



4.2 Implementimi, menaxhimi dhe shfrytëzimi i projekteve gjeneruese të energjisë elektrike të rinovueshme dhe veprave ndihmëse të çfarëdolloji. Konsulenca, vlerësimi, instalimi, administrimi, menaxhimi, shfrytëzimi, riparimi, transformimi dhe mirëmbajtja e impianteve fotovoltaike, paneleve diellore, centraleve me erë, ujë dhe çfarëdolloj impiantesh të tjera prodhuese të energjisë elektrike në sektorin privat dhe/ose publik. Punime ndërtimi dhe/ose punime civile të çfarëdolloji në lidhje me impiantet, centralet, panelet dhe të gjitha llojet dhe format që kanë të bëjnë me energjinë elektrike. Tregtim me shumicë dhe pakicë, import-eksport i materialeve, makinerive, pajisjeve dhe impianteve të ndryshme elektrike, impianteve/paneleve fotovoltaike, elektroshtëpiake, elektronike, sistemeve/impianteve termike, të ftohjes dhe ngrohjes (kondicionimit), sisteme për mirëmenaxhimin e energjisë, sisteme ndriçimi, telekomunikacioni, interneti dhe media, si dhe impianteve të tjera të ngjashme të destinuara për objekte civile dhe/ose industriale, për sektorin privat dhe/ose publik. Shërbime dhe punime të të gjitha llojeve në të gjitha fushat e prodhimit, shpërndarjes dhe shitjes/blerjes së energjisë elektrike. Importi dhe/ose eksporti, shitja dhe/ose blerja e energjisë elektrike (pavarësisht mënyrës së prodhimit) në tregun vendas ose të huaj, publik dhe/ose privat, në tregun e lirë, në bursa dhe/ose direkt me prodhuesit/konsumatorët. Çdo lloj veprimtarie tjetër që është në përputhje me legjislacionin shqiptar dhe që siguron fitime dhe/ose të ardhura të ligjshme brenda kufijve të parashikuar nga legjislacioni në fuqi, si dhe çdo operacion prodhimi, tregtar dhe financiar, i cili lidhet në çfarëdolloj forme apo mënyre me objektin e saj. Tregtim të artikujve të ndryshëm industrialë dhe ofrimi i shërbimeve të të gjitha llojeve për/me këto artikuj. Gjithashtu, Shoqëria mund të kryejë çdo aktivitet tjetër të nevojshëm apo të dobishëm për realizimin e qëllimeve të saj përfshirë edhe aktivitetin e ofrimit të shërbimeve, tregtimin, importin dhe eksportin e mallrave dhe shërbimeve.

4.3 Për të arritur objektin e saj, Shoqëria mund të realizojë drejtpërdrejtë apo në mënyrë të tërthortë çdo lloj pjesëmarrje në shoqëri të tjera shqiptare apo të huaja, si edhe të hyje në marrëdhënie kontraktore, bashkëpunimi ose ortakërie me persona të tretë, privatë ose publikë, vendas ose të huaj.

KREU II

KAPITALI I SHOQËRISË TRANSFERIMI I KUOTAVE FINANCIMI

NENI 5

KAPITALI I SHOQËRISË

5.1 Kapitali i Shoqërisë është 100 000 (njëqind mijë) Lekë, i përbërë nga 1 (nje) kuote me vlerën 100 000 (njëqind mijë) Lekë, që përfaqësojnë 100% të kapitalit, i cili është paguar tërësisht në para nga Ortaku **Z.Elvis**



Hyseni, shtetas Shqiptar, lindur në Tirane, më 27 Shkurt 1988, mbajtës i kartes se identiteti me numer I80227072P, banues në adresën: Rruga 5 Maji Tirane, Shqipëri, person madhor e me zotësi të plotë juridike e për të vepruar.

NENI 6

TRANSFERIMI I KUOTAVE TË KAPITALIT TEK TË TRETET

- 6.1** Kuotat e shoqërisë mund t'u transferohen lirisht të tretëve vetëm me miratimin nga Ortaket e Shoqërisë, sipas dispozitave ligjore në fuqi.
- 6.2** Kontrata e kalimit të kuotës bëhet me shkrim, pranë një noteri dhe i njoftohet shoqërisë.
- 6.3** Transferimi i tyre, merr vlerë vetëm pas regjistrimit të kalimit të kuotave pranë Qendrës Kombëtare të Regjistrimit.

NENI 7

BARRËT MBI KUOTAT E KAPITALIT

- 7.1** Kuotat e kapitalit të Shoqërisë mund të rendohen lirisht me barrë siguruese apo të drejta të tjera reale.

KREU III

NDRYSHIMI I KAPITALIT

NENI 8

- 8.1** Zmadhimi i kapitalit themeltar me anën e kontributeve në natyrë apo zvogëlimi i tij bëhet me miratimin e Ortakeve të Shoqërisë mbi bazën e një projekti të paraqitur nga eksperti kontabël i autorizuar dhe me kërkesën e Ortakeve apo Administratoreve të Shoqërisë.
- 8.2** Zvogëlimi i kapitalit themeltar, bëhet në bazë të dispozitave të Ligjit Nr. 9901 datë 14.04.2008 "Për Tregtarët dhe Shoqëritë Tregtare".

NENI 9

ZMADHIMI I KAPITALIT



- 9.1** Ortaket e Shoqerise, mund të vendosin që rritja e kapitalit të bëhet dhe me rezervat dhe fitimet e pashpërndara të shoqërisë, gjendje të cilat figurojnë deri në datën 31 dhjetor të vitit/viteve financiar/financiare paraardhës/paraardhëse. Kjo gjë bëhet vetëm pasi Ortaket e Shoqerise, me vendim të kene miratuar llogaritë vjetore të shoqërisë për vitin/vitet e mbyllur/mbyllura financiar/financiare paraardhës /paraardhëse.
- 9.2** Pas marrjes së një vendimi të tillë, Ortaket e Shoqerise caktojnë një ekspert kontabël të regjistruar për vlerësimin e zmadhimit të kapitalit themeltar me rezervat dhe fitimet e pashpërndara të shoqërisë, gjendje të datës 31 dhjetor të vitit paraardhës.
- 9.3** Pas prezantimit të aktit të vlerësimit nga eksperti kontabël i regjistruar, ortaket e shoqërisë, me një vendim tjetër, përcaktojnë mënyrën e rritjes së kapitalit themeltar të shoqërisë.
- 9.4** Pas marrjes së vendimit të dytë nga Ortaket e shoqerise, e gjithë procedura e ndjekur në zbatim të këtij neni do të depozitohet pranë Qendrës Kombëtare të Regjistrimit sipas parashikimeve të Ligjit Nr. 9723 datë 03. 05. 2007 "Për Qendrën Kombëtare të Regjistrimit".

**KREU IV
ORGANIZIMI I SHOQËRISË
NENI 10**

STRUKTURAT DREJTUESE DHE VENDIMMARRËSE

- 10.1** Shoqëria tregtare "HP Energy" SHPK ka si struktura drejtuese dhe vendimmarrëse :
- Ortaket e shoqerise si organi vendimmarrës për shoqërinë;
 - Administratoret

**NENI 11
DETYRAT DHE PËRGJEGJËSITË E ORGANIT VENDIMMARRËS**



11.1 Ortaket e shoqërise, si organ vendimmarrës për shoqërinë, është përgjegjës për marrjen e vendimeve për shoqërinë për çështjet e mëposhtme:

- a) përcaktimin e politikave tregtare të shoqërisë;
- b) ndryshimet e statutit;
- c) emërimin e shkarkimin e administratorëve;
- ç) emërimin e shkarkimin i likuiduesve dhe të ekspertëve kontabël të autorizuar;
- d) përcaktimin e shpërblimeve për personat e përmendur në shkronjat "c" dhe "ç" të kësaj pike;
- dh) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecures së veprimtarisë;
- e) miratimin e pasqyrave financiare vjetore dhe të raporteve të ecures së veprimtarisë;
- ë) zmadhimin dhe zvogëlimin e kapitalit;
- f) pjesëtimin e kuotave dhe anulimin e tyre;
- g) përfaqësimin e shoqërisë në gjykatë dhe në procedimet e tjera ndaj administratorit;
- gj) riorganizimin dhe prishjen e shoqërisë;
- h) miratimin e rregullave procedurale të mbledhjeve të asamblesë;
- i) çështje të tjera të parashikuara nga ligji apo statuti.

11.2 Ortaket e shoqërisë marrin vendime për çështjet e përcaktuara në shkronjat "e" dhe "ë" të pikës "1" të këtij neni, pas marrjes dhe shqyrtimit të dokumenteve përkatës.

11.3. Të gjitha vendimet e marra nga ortaket e shoqërise do të regjistrohen në një regjistër të vendimeve, të dhënat e të cilit nuk mund të ndryshohen ose të fshihen. Forma e regjistrimit dhe mbajtja e vendimeve përcaktohen me vendim të ortakeve të shoqërise. Ortaket e shoqërise, me vendim, mund të ngarkojë dhe një person fizik për mirëmbajtjen e regjistrimit të mbledhjeve.

11.4 Nga ana e Ortakeve të shoqërise merren të gjitha masat përkatëse për regjistrimin e vendimeve të saj pranë organeve përkatëse shtetërore dhe sidomos në veçanti, vendimet për:



- a) miratimin e pasqyrave financiare vjetore dhe të raporteve të ecursisë së veprimtarisë;
- b) shpërndarjen e fitimeve vjetore dhe mbulimin e humbjeve;
- c) investime;
- ç) vendimet për riorganizimin dhe prishjen e shoqërisë;
- d) vendimet e marra në zbatim të nenit 9 të këtij statuti.

11.5 Vendimet e paregjistruara në regjistrin e vendimeve janë absolutisht të pavlefshme. Shoqëria nuk mund t'i kundrejtojë pavlefshmërinë të tretit, që ka fituar të drejta në mirëbesim, përveç rastit kur shoqëria provon se i treti ka pasur dijeni për pavlefshmërinë, apo në bazë të rrethanave të qarta nuk mund të mos kishte pasur dijeni për të.

NENI 12

MBLEDHJA E ORGANIT VENDIMMARRËS

- 12.1** Mbledhja e Ortakeve të shoqërisë zhvillohet në rastet e përcaktuara nga Ligji Nr. 9901 datë 14. 04. 2008 i ndryshuar "Për Tregtarët dhe Shoqëritë Tregtare", nga ligje të tjera ose nga dispozitat e statutit dhe sa herë që mbledhja është e nevojshme për të mbrojtur interesat e shoqërisë. Mbledhja e ortakeve thirret dhe zhvillohet të paktën një herë në vit.
- 12.2** Mbledhja e Ortakeve të shoqërisë thirret nga kryesisht nga ortakët e shoqërisë, administratori apo dhe nga eksperti kontabël i autorizuar kur ka nevojë për diskutime për çështje ekonomike që lidhen me shoqërinë.
- 12.3** Mbledhja e Ortakeve të shoqërisë thirret nëse, sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 (tre) muajve në vazhdim.
- 12.4** Mbledhja e Ortakeve të shoqërisë thirret nga personat e tjerë të parashikuar nga pika 12.2 e këtij neni jo më vonë se 7 (shtatë) ditë përpara datës së parashikuar në mbledhjen e Ortakeve. Mënyra e thirrjes së mbledhjes kryhet sipas përcaktimeve përkatëse të parashikuara Ligjin Nr. 9901 datë 14. 04. 2008 i ndryshuar "Për Tregtarët dhe Shoqëritë Tregtare".



KREU V
ORTAKET E SHOQERISE, FINANCIMET

NENI 13
ORTAKET E SHOQERISE

13.1 Ortaku i vetem i Shoqërisë është:

- **Z.Elvis Hyseni**, shtetas Shqiptar, lindur në Tiranë, më 27 Shkurt 1988, mbajtës i kartës së identiteti me numer I80227072P, banues në adresën: Rruga 5 Maji Tiranë, Shqipëri, person madhor e me zotësi të plotë juridike e për të vepruar.

NENI 14
VENDIMET E ORTAKEVE E SHOQERISE

- 14.1** Ortaket e shoqërisë, në përputhje me legjislacionin shqiptar marrin vendime në lidhje me: (i) ndryshimin e këtij Statuti, (ii) zmadhimin e zvogëlimin e kapitalit të Shoqërisë, (iii) kalimin e kuotave të Shoqërisë, (iv) emërimin dhe shkarkimin e Administratoreve si edhe emërimin e shkarkimin e ekspertit(ëve) kontabël të autorizuar, (v) miratimin e bilancit vjetor të Shoqërisë si edhe të çdo raporti tjetër financiar, (vi) shndërrimin, shpërndarjen dhe likuidimin e Shoqërisë, (vii) emërimin e likuidatorit(ëve) dhe çdo vendim tjetër që sipas ligjit i takon Ortakeve të shoqërisë.
- 14.2** Vendimet e Ortakeve të shoqërisë duhet të merren me shkrim dhe të regjistrohen në regjistrin e mbajtur pranë selisë së Shoqërisë.

NENI 15
TË DREJTAT DHE DETYRAT E ORTAKEVE TË SHOQERISE

15.1 Të drejtat dhe detyrat e ortakeve të shoqërisë janë:

- Të marrë pjesë në mbledhjet e Ortakeve;
- Të paraqesë pyetje me shkrim në lidhje me aktivitetin dhe administrimin e shoqërisë;
- Të informohet mbi përmbajtjen e raportit të administrimit, inventarët e llogaritë vjetore, tekstet e vendimeve të propozuara, si dhe raportin e ekspertit kontabël;
- Të përfitojë nga fitimi i shoqërisë;
- Të kërkojë prishjen e shoqërisë në rrethana të caktuara;



NENI 16
FINANCIMI I SHOQËRISË

- 16.1** Organi i Administrimit të Shoqërisë, në përputhje me dispozitat në fuqi, përveç rasteve të zmadhimit të kapitalit, ka të drejte të kërkojë nga ortakët e shoqërisë fondet e nevojshme për arritjen e objektivave të shoqërisë.
- 16.2** Financimet e mëtejshme të ortakeve në shoqëri do të jenë me shpërblim (interesa) apo pa shpërblim, në varësi të titullit nëpërmjet të cilit do të lëvrohen këto fonde.

KREU VI
ADMINISTRIMI I SHOQËRISË

NENI 17
ADMINISTRIMI I SHOQËRISË

- 17.1** Shoqëria administrohet nga 1 (nje) Administrator të cili emërohen nga ortakët e shoqërisë për një periudhë pesëvjeçare, me të drejtë rizgjedhje. Administratore të shoqërisë emërohen:

Z. Elvis Hyseni, shtetas Shqiptar, lindur në Tiranë, më 27 Shkurt 1988, mbajtës i kartës së identitetit me numër I80227072P, banues në adresën: Rruga 5 Maji Tiranë, Shqipëri, person i madhur dhe me zotësi të plotë juridike dhe për të vepruar.

- Mandati i administratorit do të jetë 5 – vjet.
- Data e fillimit të mandatit të administratorit 13.01.2025 deri më 12.01.2030

17.2 Në zbatim të këtij neni, administratorët e shoqërisë përfaqësojnë Shoqërinë kundrejt palëve të treta, përfshirë autoritetet publike dhe private, vendase ose të huaja, bankat, autoritetin tatimor dhe gjyqësor. Administratori është përgjegjës për veprimet e kryera në administrimin e Shoqërisë sipas këtij akt themelimi dhe statuti dhe legjislacionit shqiptar.

17.3 Administratori mund të ndërmarrë apo kërkojë kryerjen e të gjitha akteve që konsideron të nevojshme për arritjen e objektit të Shoqërisë, përveç atyre që ligji apo statuti i rezervon Ortakeve të shoqërisë apo organeve të tjera të Shoqërisë.



NENI 18

TË DREJTAT DHE DETYRAT E ADMINISTRATORIT

18.1 Administratori ka të drejtë dhe detyrohet të:

- a) kryejë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
- b) përfaqësojë shoqërinë tregtare;
- c) kujdeset për mbajtjen e saktë e të rregullt të dokumenteve dhe të librave kontabël të shoqërisë;
- ç) përgatisë dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqet këto dokumente përpara Ortakeve të shoqërisë për miratim;
- d) krijojë një sistem paralajmërimi në kohën e duhur për rrethanat, që kërcënojnë mbarrëvajtjen e veprimtarisë dhe ekzistencën e shoqërisë;
- dh) kryejë regjistrimet dhe dërgojë të dhënat e detyrueshme të shoqërisë, siç parashikohet në Ligjin Nr. 9723 datë 03. 05. 2007 "Për Qendrën Kombëtare të Regjistrimit";
- e) raportojë përpara Ortakeve të shoqërisë në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
- ë) përfaqësojë shoqërinë në marrëdhënie me të tretët;
- f) kryejë detyra të tjera të përcaktuara në ligj dhe në statut.

NENI 19

PËRGJEGJËSIA E ADMINISTRATORIT

19.1 Administratori është përgjegjës individualisht sipas rastit ndaj vetë shoqërisë ose ndaj të tretëve për shkelje të ligjeve, për shkelje të Statutit apo për faje të kryera gjatë administrimit të shoqërisë.

NENI 20

SHPËRBLIMI I ADMINISTRATORIT



20.1 Ortaket e shoqërise përcaktojnë shpërblimin e Administratorit të shoqërisë.

KREU VII
KONTROLI I KONTABËL I SHOQËRISË
VITI FINANCIAR DHE BILANCI

NENI 21
KONTROLI KONTABËL

21.1 Kontrolli i jashtëm kontabël i Shoqërisë kryhet nga Ekspertë Kontabël të Regjistruar, në përputhje me legjislacionin shqiptar në fuqi. Ortaket e shoqërise do të emërojnë një apo më shumë ekspertë kontabël në ato raste kur emërimi i tyre konsiderohet i nevojshëm ose kërkohet në bazë të ligjit.

21.2 Për kompetencat, detyrimet, përgjegjësitë, zëvendësueshmërinë, tërheqjen, shkarkimin dhe shpërblimi i tij zbatohet legjislacioni shqiptar në fuqi.

NENI 22
VITI FINANCIAR

22.1 Viti Financiar i Shoqërisë fillon më 1 Janar dhe mbaron më 31 Dhjetor të çdo viti.

NENI 23
BILANCI DHE REZERVAT

23.1 Me mbylljen e secilit vit financiar, Administratori merr masat e nevojshme për hartimin e bilancit të aktivitetit për vitin financiar të mbyllur, në mënyrë që Ortaket e shoqërise të vendosin mbi miratimin apo ndryshimet e mundshme të tij brenda afateve të përcaktuara nga ligji.

23.2 Ortaket e shoqërise vendosin mbi ndarjen e dividendëve që rezultojnë si fitime sipas bilancit të miratuar rregullisht, pasi nga këto shuma të jenë zbritur humbjet e mundshme të viteve të mëparshme.



- 23.3** Ortaket e shoqerise në çdo moment mund të vendosë krijimin e rezervave, si edhe masën e tyre.

**NENI 24
PUNËSIMI NË SHOQËRI**

- 24.1** Të gjithë personat që do të punësohen pranë kësaj shoqërie, punësimi i tyre do të bëhet mbi bazën e kontratës individuale apo kolektive, sipas rastit, në të cilën do të përcaktohen të drejtat dhe detyrimet ligjore të secilës palë si dhe paga mujore në përputhje me legjislacionin shqiptar në këtë fushë.

**KREU VIII
PRISHJA DHE NJOFTIMET**

**NENI 25
PRISHJA DHE LIKUIDIMI I SHOQËRISË**

- 25.1** Shoqëria mund të priset në çdo kohë dhe për çfarëdo lloj shkak, si në rast falimentimi, privim të të drejtave për të ushtruar aktivitet tregtar, forca madhore dhe faktorë të tjerë që nuk varen nga Ortaket e shoqerise.
- 25.2** Shoqëria hyn në fazën e likuidimit qysh në momentin e prishjes së saj. Për kryerjen e këtij procesi, Ortaket e shoqerise emërojnë një ose disa likuidatorë, të cilët i paraqesin asaj raportin mbi gjendjen e aktivitetit dhe pasivitetit të Shoqërisë, mbi ndjekjen e operacioneve të likuidimit dhe afatin e nevojshëm të përfundimit të tyre. Shoqëria priset në këto raste:
- Kur nuk mund të përmbushet objekti për të cilin është krijuar shoqëria;
 - Me vullnetin e ortakëve;
 - Me vendim të Gjykatës
 - Shkaqe të tjera të parashikuara në ligj



NENI 26
PROCEDURAT QË NDIQEN

- 26.1** Likuidimi i shoqërisë tregtare "HP Energy" SHPK vendoset nga Ortaket e shoqërisë kur prishet shoqëria.
- 26.2** Likuidimi i shoqërisë do të bëhet duke zgjedhur procedurën e zakonshme të parashikuar në Ligjin Nr. 9901 datë 14. 04. 2008 "Për Tregtarët dhe Shoqëritë Tregtare".
- 26.3** Në qoftë se Ortaket e shoqërisë, për mbylljen e parashikuar, nuk mund të marrin vendim ose nuk pranojnë të miratojnë llogaritë e likuiduesit vendimi merret nga Gjykata me kërkesën e likuiduesit ose çdo personi të interesuar.
- 26.4** Nëse nuk është proceduar si më sipër Gjykata me miratimin e Ortakeve të shoqërisë zbaton dispozitat ligjore dhe nëse miratimi nuk është dhënë deri në seancën e parë gjyqësore ky miratim presumohet i mirëqenë.
- 26.5** Në fund të procesit të likuidimit thirren Ortaket e shoqërisë për të vendosur në lidhje me bilancin financiar përfundimtar.

NENI 27
NJOFTIMET

- 27.1** Të gjitha njoftimet, kërkesat ose komunikimet e tjera që u jepen personave ose që bëjnë personat sipas Statutit do të kryhen me shkrim ose përmes komunikimit elektronik (nëse ka) dhe do të konsiderohen të kryera në mënyrë të rregullt kur u dërgohen në adresat e deklaruara prej tyre pranë Administratorit të Shoqërisë.



27.2 Njoftimet zyrtare të komunikimeve me anë të mjeteve elektronike vërtetohen sipas Legjislacionit për nënshkrimin elektronik dhe dërgohen në adresat elektronike të deklaruara prej tyre.

27.3 Në rastin kur një kuotë zotërohet nga më shumë se një person, të gjitha njoftimet do ti drejtohen përfaqësuesit të bashkëzotëruesve të kuotës.

**KREU IX
BASHKIMI DHE NDARJA E SHOQËRISË**

NENI 28

28.1 Shoqëria "HP Energy" SHPK me anë të bashkimit mund t'i kalojë trashëgiminë e saj një shoqërie ekzistuese ose një shoqërie të re që ato themelojnë që ushtron te njëjtin aktivitet.

28.2 Gjithashtu shoqëria "HP Energy" SHPK me anë të ndarjes mund t'i kalojë trashëgiminë e saj disa shoqërive të tjera ekzistuese ose disa shoqërive të reja.

28.3 Në rast se operacioni përfshin krijimin e shoqërive të reja secila prej tyre themelohet sipas rregullave që i përkasin shoqërisë që do të krijohet.

28.4 Transferimi i plotë i aktivitetit të shoqërisë apo kontributi në aktiv të një shoqërie tjetër, veçanërisht me anë të procesit të bashkimit duhet të autorizohet nga Ortaket e shoqërisë.

**KREU X
DISPOZITA PËRFUNDIMTARE**

**NENI 29
LIGJI I ZBATUESHËM**

29.1 Shoqëria do të zhvillojë aktivitetin e saj në përputhje të plotë me këtë dhe të zbatohen dispozitat e legjislacionit shqiptar në fushën e shoqërive tregtare.

NENI 30



- 30.1** Ky Statut përpilohet në 4 (katër) kopje origjinalë secili me të njëjtën vlerë ligjore. Njëri prej tyre ruhet në dokumentacionin bazë të shoqërisë

**ORTAKET E SHOQERIS
I
SHOQËRISË " HP Energy" SHPK**

Z. Elvis Hyseni

Elvis Hyseni 